

Program Akademi Sukan Bola Tampar di SK Kidurong 2 hujung minggu ini

BINTULU: Program Akademi Sukan Bola Tampar akan diadakan di Sekolah Kebangsaan (SK) Kidurong 2 pada Sabtu dan Ahad ini.

Program itu adalah anjuran pelajar Kursus QKS2120 Bola Tampar (Kumpulan 1) Semester Kedua Sesi Akademik 2023/2024 Universiti Putra Malaysia Kampus Bintulu (UPMKB).

Penasihat program Roslan Ismail berkata program di bawah Putra Bakti (Just Spike

IT Volleyball Academy 1.0) itu merupakan kaedah pembelajaran secara 'Immersive Face-to-Face' yang julung kalinya diadakan di Bintulu.

Katanya, antara aktiviti menarik sepanjang program itu berlangsung adalah ceramah tentang teknik-teknik asas dalam permainan bola tampar dan beberapa aktiviti melibatkan fizikal serta permainan yang membantu untuk mengukuhkan asas-asas ketika bermain bola tampar.

“Program ini dianjurkan juga disebabkan kurangnya penglibatan murid-murid sekolah rendah sehingga kurangnya penghasilan pelapis-pelapis muda dalam sukan ini,” katanya dalam kenyataan semalam.

Beliau berharap akademi itu akan terus memainkan peranan sehingga ke peringkat pelajar sekolah menengah dan beliau di sekitar Sarawak bagi melahirkan lebih ramai pelapis atlet bola tampar 'The Thinking Athlete' di negeri ini.



UNTUK ALBUM: Pelajar UPMKB dan Roslan (duduk enam kanan) merakam gambar kenangan.